

白鶴山房詩鈔

白鶴山房詩鈔卷五

歸安葉紹本仁甫

古今體詩一百三首

贈張東畬別駕

吾愛張夫子林居早閉關
白茅臨水檻青箬釣魚灣
花木小庭古圖書終日閒
荆關名筆在恣意寫家山

尙憶牽絲日蠶叢正荷戈
地連諸賧壯山入百巒多
轉粟層霄迴班春絕塞過
弓衣詩句好爭唱使君歌

久客交遊絕逢君意獨傾
醉翁門下士今日曉星明
相見惜何晚長歌空復情
衡廬幸鄰近搔首話生平

題靈巖草堂圖爲張東畬作用支山先生韻

灑灑溪流自到門
茅茨修竹古風存
青山四面雲圍屋
絕勝君

家泊宅村

夢繞東吳蓴菜香風流誰似步兵張枕煙庭是歸田築不數終南舊草堂

桑柘陰濃布穀催耦耕正好傍巖隈憑君爲我開三徑準擬花時杖策來

題述庵少司寇三泖漁莊圖

晴波滉笏潮平沙青山點點如浮槎樺皮三間小於艇侍郎之屋漁師家枳籬四面蔭碧柳蘆碕一徑沿蒼葭夕陽村舍渾不辨但見船尾炊煙斜先生昔年曾隱此草廬抱膝窮義媯米家書船櫓搖月少陵詩屋溪栽花湖光山綠供吟嘯此意豈復榮腰綬自從鶴書下錦里慶雲出岫蒼生誇芝泥三省判行牒霓旌萬里塞高牙宣風弼敎四國活歸侍

帝闕馳鋒車
爽鳩權尊望
愈重方期論
道開槐街銅
環玉鎖渺
天上那憶猿
鶴吟朝霞誰
知達人貴止
足故山久種
青陵瓜神
武乍拜閣門
疏秋風便返
吳江艇竹弓
平湖任射鴨
芒屨淺渚
從撈鰕茅簷
曝背話疇昔
菰蘆竹帛知
誰加平泉石
淙古亦有
所嗤池館爭
豪奢豈如初
地任游釣某
邱某水尋無
差綠蓑青
笠宛不改鬢
邊但點新霜
華嗟余亦負
江海志擾擾
世網空紛
挈葺城雉鷺
昔曾聽夢魂
往往縈千余
一塵倘得傍
煙水便拚
身世安魚父
通門崔孔幸
夙附從公閉
戶談黃芽

題潘榕皋戶部易硯圖

帝鴻之珍不可見
紛紛瓦石爭鑄劍
羚羊峽口龍尾麓
山骨斲盡餘空嵌
從來物必聚所好
世人癖嗜殊酸醎
玉蜍淚滴研山
往珠宮石愛仇
池緘雲煙過眼
等幻耳鴻溝界
畫誰爲嚴水雲

先生饒硯癖丹砂翠羽紛盈函忽然投報效桃李雲腴肯惜端
溪巖鄴臺古製碧鴛仿平公巨璞青花銜一朝相許竟相易異
事磊落驚塵凡古人石交貴作達紫騮可換雲鬃豈如佳話
傳藝圃鳳咮牛後無譏謔歸晴窗風日皎淋漓筆陣馳風颿
離石侯堪結知己持捧况有雙摻摻先生詩才本超絕青銅幹
老繁枝芟東山高臥日吟嘯兔穎秃盡千秋龜名山之傳在萬
古此硯定與藏林杉餘波可乞幸及我相期掇管鳴韶咸

和楊黃汴西湖秋柳詞十二首

西風一夜黛眉愁落木蕭蕭帶遠洲掃盡翹塵三萬斛從教疎
影漾清秋

狼籍煙痕與水痕繁絲空照月黃昏纖腰不舞雙蛾老說著當年
總斷魂

無復長條冒舞衣
錢王祠北晚煙稀
可憐陌上蘼蘼影
曾送香車緩緩歸

宋家陵闕最荒寒
一樹嬌黃未忍看
莫向斜陽談舊事
春風不到繡闌干

蘇小墳前見一枝
煙欺露壓總離披
秋蒲塘上同蕭瑟
誰信垂楊無限時

黃金碧玉盡成煙
搖落江潭最可憐
怕倚高樓聽遠笛
聲聲流響入哀蟬

眠起依然太瘦生
天涯蕉萃若爲情
風流一樣閒標格
偏是靈和殿得名

相逢長是態婆娑
欲綰同心奈晚何
與爾年年共離思
青衫莫怪淚痕多

畫船十里夕陽堤回首繁華夢已迷
零落花鈿人不見忍扶殘
醉過樓西

荒煙一抹認西泠長日游驄去未停
休向岳王墳上望將軍大
樹已飄零

娉婷那似舊時妝話到三生總渺茫
拈出絮泥公案在多情只
合問空王

烏啼陌上送征驂此段閒愁了未堪
一自紅牙傳絕調曉風殘
月滿江南

題亡室沈孺人瑤島返魂遺照

碧城一去夢迢迢雲海朱扉鎖寂寥
十二玉樓仙十萬雙成名
字向誰招

姑射冰姿翠靨開多生只合住瑤臺
海天倘記前塵在還化蓬

東孤鶴來

鶴人生時外姑夢
白鶴自空而下

羅衫鈿暈認餘香
出水當風總渺茫
何處重描眉樣
潤憐余負鼓欲求云

渺渺長天

浩浩情弱流何路到蓬瀛
瓊華島裏紅千葉
可是靈

芸淚染成

十洲記返魂樹
與楓葉相似

添毫妙手那能逢
手面難分轉側工
猶勝碧羅幃裏見
空堂燭

跋但靈風

病骨難憑

懶醫帶圍頻減舊
署支玉顏合是愁
銷盡真面

畱永訣時

燕人病久骨立及
歿後顏色轉腹
潤如未病時今圖
卽身後所摹也

鎮日牛衣

淚暗彈小顰一點
尙眉端齟齬久作
貧家婦畫手休

嫌骨相寒

俯仰人天

只一塵精靈香草
倘通神祇愁
潘鬢翻難識
憔悴當

年合髻人

鉛華久謝額黃添感舊傷離萬緒兼十載車輪腸內轉寸心寫不到毫尖

草草年華付夜舟只憑東絹永千秋空花何必分真幻一樣人間泡影留

虎邱謁白公祠遂登懷杜閣仰蘇樓得詩四首並美任曉村太守

詩酒何妨政惟公韋佩調菱荷春一道鸚鵡曲終宵翠嶽東西寺紅闌四百橋謾思猶未歇聲在玉人簫

天寶風塵日東南尙晏然如何畱蜀棧不復泛吳船劍石雄詞在扶桑舊夢懸詩魂今始慰萍梗憶當年

常潤經行慣青鞵偶此登江湖羈傲吏雲水間孤僧林影二泉

接花光三竺勝歸田曾欲請絕檻試重凭

地是名園舊經營頓改觀花潭通曲澗松徑轉層巒粉本畱金

谷新題換碧瀾風流應不朽身樂想民寬

用白傅事

止堂先生惠貽大集捧誦之餘敬題絕句十二首

一編珠玉寄林隈午夜星光茅屋開薛殿波平三百里聲聲元

鶴渡江來

綺輅魚車駕太空鄴侯仙骨有誰同紫鸞笙奏緱山遠合使羣

真拜下風

冥茫八極鬪心兵刁斗分明細柳營吟到文房奇絕句五言誰

敢擅長城

劍閣山川碧嶂開少陵而下幾雄才乾坤擺露垠崖豁直挾摩

天巨刃來

公使蜀詩絕幽鑿險足繼少陵王漁洋蜀道集不能過也

醫閭蒼翠入吟胸佳氣

陪京百二重天與先生成絕唱松花水蘸墨花濃

秋隼陵霄健鶻盤金天爽氣入毫端翠屏削出三峰峻記得河
橋立馬看

牛弩休誇九合強橫流滄海要隄防精微真放誰兼到畫手吳
生遠擅場

寫來哀樂倍情親碑誄羣推伯玉真漫與東坡爲後進醉吟居
士是前身

自倚雲機看織紗春林初日照奇葩裁紅暈碧成何事笑煞隋
宮剪綵花

萬斛銀濤湧緒龜漸江一派走東南高名合繼金風長老手休
推初白菴

纔焚諫草卽歸田謝客青山賀老船試問東林詩百卷何如車
轂聒朝眠

凡骨何曾夢肉芝十年吟醉石湖湄從今傳得昇仙訣揮手瓊
霄正未遲

哭姊壻沈昌培 孝廉

單舸蘇臺路當年惜別頻誰知千佛選翻委百年身忽忽浮生
盡芊芊宿草新科名竟何物銀管化青燐

蘭綺家聲舊吳興甲第高才華明似錦逋券亂于毛奴價寧知
問牙籌孰代操堪憐任公子葛練一身勞

廿載春明夢前年鬻經歸麥舟誰解濟雨淚但空揮搔首呼子
恤傷心賦式微那知喬梓樹相繼霽霜威

髻髻梁妻在堂隅飲恨深一生常舉案到死轉分襟綺翼摧雲

意冤禽負石心霜天明月夜怨絕女嬰砧

中郎愁女幼李嶠竟兒癡書籍難傳後門楣欲付誰奇窮天不弔薄命鬼相疑頭責慙張敏空存感舊思

轉徙悲萍跡琴樽隔故園自君皋廡賃翻得笑言喧涇沫爭相煦文章實快論吟箋猶滿篋遺蹟忍重緇

施報看如此真教百慮灰多才原召妒積善竟爲災耿耿霜鋒折沈沈玉樹埋九天差樂否把酒問泉臺

感逝頻揮淚孤生顧影單鵲鴿前度咏朝雉隔年彈零落親朋盡蕭騷骨肉寒風花真一夢何處証阿蘭

石湖范文穆公新祠葺成和支山先生韻

琉璃百頃俯郊闌鑑曲曾歸賀老身草制直聲齊四諫渡江詩派第三人環階水尙華紋皺依檻山猶黛色新今日虛堂崇像

設簡周可許往來頻

簡子周郎先生居石湖時所往還也見石湖集

冰天曾記節旄過松柏冬心總不磨黃篋舫猶尋故蹟紅羊劫已付流波蘭橈桂棟新祠宇水石風林舊澗阿一曲神絃聲宛轉空巖日暮奈愁何

題淵明戴菊圖

東籬長日傲煙霞獵獵西風帽影斜戲馬臺高公燕盛不簪赤筆戴黃花

杖履蕭然物外身衣冠猶是晉遺民斜簪散髻風流甚休比齊臺左珥人

呈趙甌北先生

巍然奎宿照江東鵬鸚當年早破空五字才名紅藥雨三更鈴索海棠風壺盧肯畫尋常樣蠟液仍參密勿功多少臚雲傳上

第如公始合到崑蓬

碧雞關外動邊氛

詔遣從戎下海雲
齡石書函供十手
孔璋符檄肅千軍
磨崖頌勒蠻煙紫
橫槊詩成塞日曛
銅鼓祇今荒徼靜
請纓猶記昔年勲

名山胸有智珠藏
亥豕搜羅到史皇
子政圖書編七畧
知幾學識擅三長
金錢滿屋都成串
鐵網千絲若在綱
誰料板輿行樂地
陵花帶草共生香

詞壇巨手古無前
思入雲天句湧泉
睽睨目稜開紫電
玲瓏舌本吐青蓮
通神媧石饒千變
破陣金符出萬全
慧業自來關宿悟
誰從夜半識珠傳

纔攤高牙便乞身
晉陵山色穩垂綸
季鷹尊菜吳江舫
賀監荷

花鏡水春湖海幾家推老學圭符滿眼作閒人顧塘橋畔坡翁

宅千載惟公合卜鄰

顧塘橋孫氏宅坡公寓常時所居先生宅與之相近

廿年嵩華寄遐思今日牀前下拜時薄技敢誇珍似璧微名真愧利如錐驕驪價爲鹽車賤樗櫟材惟匠石知青眼平生何敢忘牡丹花底坐評詩

祝止堂先生挽詞

半旬前尙侍譚犀丹旆俄驚空位題萬里月明歸大鳥百年曉夢斷黃雞悲懷梁木將安仰清望喬松孰與齊慟絕騎箕天上速履綦影已白雲迷

早年聲價重蓬瀛華屋山邱一旦憂自有文章榮館閣翻將直節誤公卿臺端白簡威猶凜卷裏青霞氣未平姓氏千秋傳已定休憑階級話浮名

詩壇掃盡辟支禪陶謝陰何格總全肯爲蟲魚勤注釋不辭肝
腎費雕鐫九還鍊就金丹熟一字錘成鐵鑿堅剗剗祇今纔斷
手麗空星宿自經天

星輅宣化遍洮岷晚節仍將講席親軋茁有詞皆手熟渙文能
句亦心珍伊川從道門牆峻濂水誰知道味醇今日絳帷嗟輟
瑟春風朔雪總傷神

強說歸田竟未歸五湖何處釣魚磯淵明但有松三徑宣武空
悲柳十圍春草射場天晚晚牡丹花屋夢依稀

先生家有葆光
居士丹最盛

遙知谷水千山畔魂魄猶應戀翠微

葛衣零落敢言文青眼勞公拂拭勤每把謫仙呼李白深慚奇
字問楊雲箭與巾屢陪春曉銀燭杯槃語夜分從此西州成腹
痛心香一瓣向誰薰

良鄉道中望廣寧門

鬱蔥雲氣十分佳
輦道遙趨畢昂街
北極天高龍角正
西山晴翠虎牙排
璇題日麗花宮榜
羽騎星馳驛路牌
十載東華塵土隔
今朝拭目看

平階

涿州

嚴城當赤緊
車馬萬方通
寺古簷棲鴿
橋長石跨虹
野塘荷葉雨
官路柳絲風
卻望西山近
層嵐翠掃空

定興弔鹿馥園運使

錢江曾記戟門開
彈指滄桑話劫灰
胡質曾無身後絹
林宗空有道旁碑
太常續本忠貞繼
鹽鐵官還介節推
曾忝紀羣交兩世
過車腹痛一增哀

定州懷東坡先生

坡公昔厭承明廬玉堂揮手領郡符中山地小逼鄰壤夔龍遠
遣鎮虎貙都廳校閱嚴戈戟諸將聞風皆惕息豈知朝局已紛
覆白水山頭旋遠謫老守齋中雪浪盆江水沸作離堆痕岷峨
萬里歸不得松醪酌罷傷營魂駒奔川逝無停影七百年來飛
電騁杏園花落自年年廢解誰供鐫合餅我行日夜向榆關恒
嶽羣峰湧翠鬢雲中指點迷離跡想見珠宮跨鶴還

渡滹沱河

風霾日日緇塵污轂簾柴車困顛仆忽然溟渤限平原浩浩波
濤公莫渡白沙萬頃茫無邊馬毛蝟縮不肯前土人挽輿競徒
涉半濟始得中流船水氣昏昏沒星斗驚波勢挾行山走一炊
黍許纔纚舟明滅漁燈映枯柳吾聞晉之巨浸曰呼沱此水闊

人今幾何津頭大樹搖風急還憶堅冰萬騎過

獲鹿道中題壁

百疊芙蓉儼作屏勞生於此暫驂停
邊斥埃通丹轂三晉雲山接翠陁
設險每思重坎卦談兵誰講握奇經
曉行恰趁晴光好祈帖無煩寫丙丁

游太原崇善寺

清嚴悶柏省默坐腰腳頑駕言願出
游城西訪禪關並馬二三子取道榛
莽間舉策扣三門朱戶明銅環長廊
何窈窕繪畫羅神姦修羅植竿髮羯
肌垂花鬘襲上禮空王寶殿日月還
不知幾由旬火珠耀屋山踐踞帝釋
像綽約天女顏方礎蟠龍文古鼎蝕
苔斑其旁盡精廬丹腹何扁爛問此
物何朝斷碣文未刪臨濠昔龍飛大
社驪土頌此爲晉藩封端禮紆青綸
用祈母妃

福不惜捐金鑲想其締建時奔走傾市闌木石運神人匠巧窮
輸般列郡輦五銖御府出九圓成此祇樹林那顧民力孱邇來
幾劫灰遺構猶歸然然本字寶弓出魯庫金聚埋野菅吁嗟龍
象靈不能御豺獍謂闖賊破輪與入定僧碧眼頂禿鬣終年穴
藜牀飽食翻無患龕佛火明殿角鈴語閒興亡一刹那那禁
鉛淚潛揮手謝僧去缺月如弓彎

偕祝二仲治李五南玉同游晉祠觀難老泉遂由龍山策
馬而歸

西風動地秋雲碧龍山一片新晴色縱轡荒郊指夕陽馬蹄踏
碎峻嶒石聞有山祠何處尋亂峰迴合暮煙深千年松檜危簷
覆一徑莓苔古殿陰入門便聽琤琮韻耳畔喧闐目爲疊萬斛
珠從絕澗傾一泓練瀉方池潤振策崔巍慙上方飛樓神觀何

洋洋參差巢鵲闌邊俯縹緲征鴻寫下翔禪寮小憩神初定遠
嶺明霞正相映霧暗難傳風峪鐘林深微度朝陽磬山光溪淥
重徘徊剔蘚閒尋貞觀碑闕甲已難稽故府桐雲空自蔭荒臺
遺民猶識唐風舊簫鼓傳芭競奔走聞說柔荑絲羽時衣香鬢
影紛如繡我來憑弔正秋清木葉蕭蕭太鹵城斷礎青花前代
感天涯黃菊故園情勝侶相招共攜手樽前且醉官廚酒已是
樓頭暮角催出山猶復重回首歸途明月照搖鞭漠漠溪流浸
稻田齊臺瓦泐唐宮毀惆悵英雄割據年

壽陽道中

詰曲并州道層巒碧障空深崖潛日影絕頂豁天風陶穴人家
古懸車馬力窮勞生真可慨心折萬山中

初至嘉山講院卽事

桃梗漂流未有期
首盤聊與慰棲遲
廿年雪又畱鴻爪
八月波還憶鴨陂地
異蘇湖仍講學才
非賈服敢言師
黃生漫說饒奇慧
已是霜毛颯領時

萬疊雲峯亘曲陽
十秋此地管興亡
淒迷山色悲唐壘
嗚咽溪流怨趙王
秋老榆關飛白雁
雪晴桃塞走紅狼
羈人可是愁無限
曉角聲中話故鄉

金源舊跡未飄零
元趙諸公尙典型
曲水飛觴如白下
湧雲高閣出青冥
一時巾屐誰能繼
千載椒蘭只自馨
我似溪南老居士
黃昏蝙蝠掠寒廳

勞生歲月竟蹉跎
辜負空山製薜蘿
雄劍鳴於孤夜迴
敝裘寒爲受霜多
呂安那作修陵藕
周朗徒思海上莎
只合低頭誦經史
春風夢不到鑾坡

寄祝二仲治晉陽官齋

吾憶祝公子翩翩白袷衣風塵俱落拓雲水各懷歸
麥舫誰能助絃桐聽者稀朔風穿幙冷知汝憶庭闈
尙記茸城住鷗波狎舊盟流連河朔飲傾倒汝南評
並馬春山影攤牀夜雨聲扁舟來往熟排闥不須驚
萍絮十年合風花萬事消荀龍都異地謂伯弓表兄丁鶴已重霄
華屋西州痛經帷北海遙平生知己感那制淚如潮
漂泊關身在蕭騷旅鬢欺所思空悵望於世漫然疑
魚服蛟螭困鵬雲俯鶚嗤苦吟君自好莫似阿兄癡
一昔官齋別旋驚晚歲侵亂山圍夢遠孤館閉門深
長鋏彈初慣寒氈擁不禁天涯同調少珍重共題襟

寄蔡生甫太史都中

雕顏突鬢蒼髯鬚路人見者呼尙書豈知文彩煥天壤玉堂班
管青珊瑚芙蓉紛披麗藻發蛟龍掣擢雄詞舒

先皇盛治邁今古遠軼子妙追唐虞君山策筆任編纂記言記

動功德懋

君應

高宗純皇帝實錄

詔恭修

文經武緯皆萬古欲鏤玉牒鐫瑤圖不比子京擁椽燭直似令
史領石渠赤文線字好排檢坐令光景生周廬賤子西游滯汾
晉黃雲滿地白草枯短後危冠逐郵吏藜羹豆飯開山廚講堂
雖閒可憩足左司舊蹟今荒蕪

地爲元遺山流寓之所

落葉打窗無一事

坐聽學子聲伊唔迴颺吹衣霜斷帶回首鄉國徒區區卻思此

地舊曾到廿年泥爪還畱鳧扶陽侯背建旄節

先君子分守清河東者九年清

節凜凜秋霜敷百城墨吏盡惕息遺民處處歌五襦豈知舊事

一彈指令威鵲化三天都叔敖衣冠久寂寞西華萬練空踟躕

感此足令三歎息浮雲起滅真須與丈夫三十尙貧賤憂來得不悲歧途因風作詩寄慷慨故人相憶當何如

千樹堂月夜

纖翳全收皓魄橫盈盈千里漾空明飛沈海嶠輪仍白磨洗霜天氣爽清萬瓦無煙銀作屋九霄有路玉爲城此身何不乘雲去猶自泥塗滯客程

寄蔡賡堂明府河津

迴風吹病葉空館知天寒忽枉故人書打門聲急喧披衣起開緘小印紅螭蟠中有纏綿心愴悵難爲言十年滯鄉里未得追清歡異地辱存問真意畱楮翰中宵忽飛夢夢渡洪河灣勿言千里睽共此一曲酸

江總詩一曲悲千里

菰城溯文獻獨數中郎家庭對兩仲舒奕葉登承華科第若掇

羽連翩丹轂車君也寶國楨挾藻如春葩謂當躋臺閣攝身凌
蒼霞豈期廟堂姿奔走隨塵沙敲朴與牒訴何用煩君耶勉哉
擁黃紬坐聽畫鼓撾

神鷹潛夢澤不如魯連子瓦釜競雷鳴黃鐘當棄毀嗟余困席
帽三試輒報已竭來事遠游龍章適越鄙苜蓿雖可餐緼袍終
可恥昨朝嚴霜零淒斷東郭履老大尙飄蓬吾行何時止短歌
不成章欲語淚盈紙

弔元遺山先生

百戰崎嶇剩一身西園桂樹劇傷神繡簾鶯語悲亡國老屋蛩
號憶故人子美秦州丁喪亂孝威巖洞穩棲真騎鯨又益今人
感六百年來抹電新

上艾懷古

鮮霍周圍萬髻螺太行雲氣接三河韓侯城畔飛霜早孃子關
前落照多燕代雄軍屯鐵馬金元遺跡葬銅駝戰場斷鏃飄零
盡惟有桃川衮衮波

壽陽驛懷韓文公

亂峯合沓抱重嵐猶記韓公此駐驂宛轉蛾眉原衆嫉崎嶇虎
口竟生探關心豈繫閒花柳寄興聊因遠謗談一片團團馬頭
月尙疑仙馭在雲龕

壽陽山行

我行受川西山勢何竦峭連綿接萬峯佳處孰領要城阨迭起
伏崗嶺互縈繞峻峻土戴石竊竊地呈竅浩如海波翻紛若羣
馬趨崇邱極厓屢深谷窮窻窳重巖喻累甃列嶂譬排旆敦融
疊幾成英陟積千嶠駝背腫昂昂鳥尾峙翹翹或擬楸枰鋪或

等王兆劬平阿開帝臺嚴翼拱清廟觴沙頂禿髯遠條鼻仰臄
離離斷復聯冥冥虛以觥頗疑天帝尊於此百靈覩各各建耳
旄觴豆恣電醕又疑細柳軍壁壘壯戎徽樓櫓遙蔽空萬幕聽
遣調醺顏武士怒歷齒村女笑反字首蒙俱黝黑面垢醺偶然
得平阪一望但荒藿墜厓巨石垂奔壑流泉澗澗田天牛畊村
舍釜底眺常疑陶穴危覆壓不可弔騾馱何郎當柴車自罄掉
直上魚緣竿俯下燕銜碣登頓馬力疲鹽汗常溼袍嗟我本南
產桃鄉樂漁釣何爲事險艱陟此山水慄朝霞天朦朧落日山
照曜解鞍鳥盡棲就枕雞已啼幸無千里程差免畏狼獾芹泉
險已脫沙嶺路猶競呼僕脂我車勉哉沿前墜翩反臆顏恰糝
糊金錯鞘破悶聊作詩奇景苦難肖

井陘道中作

并陘之道何險巇天公不自藏瑰奇十年雲水樂鄉國到此不
覺心神疲連巖障空本無路誰與鑿石通旌綏岌岌綿延疆礫
細馬蹄滑達無由施如蟻旋磨蛇倒退前人趾接後人踵有時
徑路闢一線兩車相左防傾欹深厓一墜不可測况有豺虎甘
人嬉就中故關最奇峻崇岡中斷天四圍攀援磴道不知遠忽
見城堞高崔嵬拱極樓頭一俯眺萬峰出沒青螺堆獅蹲駝臥
盡湧現兒孫離立相追隨吾聞此地踞天險澤潞魏博連尻脰
平原千里苦無障天遣築此爲藩籬懸軍廿萬不知守成安君
乃眞庸兒撫今懷古一惆悵陰崖颯颯風吹明朝躍馬憂西
指絕景再向天門窺

平定黑沙嶺亦極高名南天門

讀厲樊榭詩集因題其後

湖光山綠入吟胸浙水風騷數太宗白鶴尾翹仙骨瘦青蓮香

蘸墨痕濃四禪天到聞清梵一角雲沈畫遠峯我欲寒泉薦秋菊何時快聽理安鐘

贈崞縣陸莚江明府

往年京國曾寄居童牙寡昧朋簪疎君時謁選客孤館交臂相
失良可吁自我南歸客吳會十年蹤跡傷羈孤側聞日下數壇
坵清才獨有平原殊吾家坡老亦好事謂琴柯兄豪吟相和鳴笙竽
惜哉走也不得與側身北望空踟躕來西游到趙代聞君山
邑膺圭符鮎魚上竿不得進但有佳句傳薦于上艾城邊一握
手清風古氣生眉鬚始知佳士定拔俗雲津龍躍知非誣吾聞
唐林阻關塞雁門亭障連鄯無北庭自古用兵地千秋此地嚴
竿旃往時匈奴屢傳箭天山雪片驚毛羆輪臺曉角一聲動健
兒十萬齊彎弧白登城南勾注側漢祖猶此困虎軀黃雲白草

莽蕭瑟沙場戰骨空模糊自從

聖世大一統尉候南北通車書條支大食盡置吏何況與韃同
孤塗千年荒積化樂土纖塵無警民無虞君也牽絲此爲政何
異臥治來淮徐犬足生釐戶不閉坐聽比戶歡袴襦況君詩才
本超絕公餘把盞傾屠酥常山伐水入吟咏摩笄故壘今青蕪
書生爲吏是亦足何必紫陞鳴瓊琬我亦豪吟夙有癖壯游每
欲窮崎嶇行當躍馬徑相過一尊拍手歌烏兔毛河邊朔風
勁佳句猶憶吟長蘆九原有知許我否是亦策蹇來西吳

題蔡呂橋明府江樓喚鶴圖

傑開千尋聳岷江萬里流憑闌一長眺浩蕩楚天秋有客抱眞
想相期到上頭尻輪行縹緲不異聞風游

葉縣原飛鳥陳畱况謫僊詩情與江色相映兩蒼然慧業前身

得羈游樂事偏樊山明月夜縞羽任翩躚
滿目雲煙在滄洲興欲飛千篇詩磊落廿載夢依稀安得挂輕
席從君問釣磯梅花吹入破定有令威歸

白鶴山房詩鈔卷五終

白鶴山房詩鈔卷六

歸安葉紹本仁甫

古今體詩五十六首

蓮華博士歌爲吳蘭雪同年

高梁題

紅雲萬頃湖波膩中有樓臺渺雲際鑑湖五月涼如秋瀛海迴
環眞福地頭銜何以博士呼仙曹乃亦需迂儒誦經說史應無
用天上自有金庭書劍南軼事傳詞苑仙闕靈芝同變幻誰識
悠悠七百年雙輪迅轉如飛電慧業多應覓替人如來金粟問
前因卻將才子香蘇館換取詩人石堰邨瘦羊蹴蔬分一飽那
得紅蕖千柄好祇有清吟不染塵夙根原自瑤華島法界華嚴
湧大千白光青色虛無間妙香四起通鼻觀聲聞變滅隨風煙
如輪瓣吐琉璃域玲瓏舌本誰能敵有時豔句寫花毫鬢華雨

散芙蓉國闔閭容城注籍新苦吟應不厭官貧名花管領真奇
絕況有瓊枝小蘂春誰作新圖付絹素藕花漠漠南塘路千載
居然兩放翁山陰逸老知應妒六館晨開畫鼓搥棠梨退直午
陰斜他年橐筆蓬萊觀更擬仙舟度曉霞

題景勤圃方伯

敬小像

蘭錡家聲懋徽垣惠績崇廿年心搯日六節地承風竹石尋幽
慣煙霞結契同試將匡濟畧閒譜入絲桐

秋意淨于水秋嵐碧似煙境清塵界外人澹菊花前寒影幾行
度暮雲相與鮮無聲絃指趣應向此中傳

黍雨千山徧棠陰萬戶齊清香開畫戟小圃斲春泥每挹醇醪
暢頻分矮紙題祝君遂台鼎振履上沙堤

題廣桂亭廉使

玉詩集

金風颯颯金天澄高齋隱几清無蠅一編欬然吐光怪珊瑚火
齊朝霞升清如晴霄跨笙鶴雄如巨海騫鷗鵬曠如風林響虛
籟和如盎醴斟蘭陵勁氣入懷精鐵立元象在手層雲蒸瑰詞
逸思致莫比鑪錘自具能引繩仁聲及民語挾纁亮節報
主心飲冰以之抒寫暢情性歸昌入律絲桑緼洵哉至音厭凡
響靜鐘應鼓何吟噲公本醇儒作良吏所至治績傳春滕粵山
晉嶺沛霖雨褰帷礪土歌三登揭來拜

命握丹筆鮫人龍伯驚威稜鈴齋坐嘯百城肅無事驚擊同蒼
鷹古來廉鎮孰堪擬退食只有書城凭

時清正賴活國手坐看蠓港間魚魯繫余謫陋愧薄植八年史
館窺緇滕邇來採風越樟嶺輶車織路穿峻嶒渭城粗唱益荒
落徒與學子分秋燈得公此集快流覽金鑰刮目無翳霄况復

忘年吐肝膈春風入座消凌兢閱道清彊昔未有微之瀟灑今
誰勝

熙朝雅頌方炳耀願公吟帙從倍增他年一品續成集好奏天
保賡升恒

讀桂亭廉使自記奉贈四律

甲第東丹舊純臣志行高八州勤露冕三尺慎霜毫絕塞馴牛
犢蠻江靖鯨濤寸衷憑報

國未惜此身勞

惠愛心如佛逍遙跡似仙功真千載頌詩已萬人傳石琢琳腴
美園開銑谷偏廉泉應可挹琴鶴紀當年

保赤心何極祥刑術豈迂流移安雁戶科比燭驪珠篤棐應如
此循良洵可模請看炎海畔燈火里巫趨

懋績真難朽宏文合早摘龍門傳自敘豸服重當時榕嶺瞻清
範蓬山愧小知待歸簪史筆

恩制記

形墀

題戒壇精舍曹佟二先生合祠圖卷爲曹定軒前輩作
千載棲禪地風流二老真雲山畱勝蹟仙佛認前身古色庭搖
檜游人祀薦蘋畫圖傳粉本珍重記根塵

題于山平海碑後爲張蘭潛前輩作

瀛波如鏡古雲濃龕靖功高勒鼎鐘經訓羣儒曾折角甲兵元
老總羅胸牙幢籌筆龍韜裕玉節臨邊虎帳從共識訐謨襄
廟算機槍頓斂十年鋒

聖世梯航薄海寬何來蛟蜃狎狂瀾蜂腰祇合膏齊斧鷁首奚

能刷羽翰炬火千重雲陣暝樓船百道劍光寒洪濤頃刻恩循滅絕島真成衽席安

外相原憑播

德威長鯨能戮兇能斃金鑄乍聽歌朱鷺牙像旋看獻白衣盾鼻風馳驚草檄髦頭星落快塞旂銀刀鐵稍誇鋒勁誰似樊崇面縛歸

百丈嵐光湧紫巖元和碑版快新刻九都銘紀

天聲震阿閣圖徵祕策緘萬里朱旂榮里閨千秋翠墨映空嵌輜軒何幸聞奇績他日

螭坳紀石函

兕觥歸趙歌爲邠亭明府

同峻

作卽示其兄向亭

同淵

人間奇事有如此三百年來物復始固知忠孝動神明文毅英

靈長不死荆山犀帶何披猖小夫乃欲干乾綱冲人擬挾漢孺
子拗相仍學荆舒王于家旣梟國豈鳳蓼莪竟輟鮮民痛不憑
白簡挽彝倫空桑之子將撓棟神羊一角沈黜通公之勁節與
之同寧爲玉碎毋瓦合阜鵬驚擊盤霜風爾時庶子猶譚直手
製杯棬慰遷客願公名與此觥垂黃流在中壽無極滄桑陵谷
大海漚神物亦復隨飄流冥冥撫護良有以簞瓢恰得依尼邱
文孫奇行古所少爲政風流映鼂島南州偶返遂初衣文度膝
前自娛老忽焉鼓楫經潯陽訪舊還登節使堂酒闌因及贈觥
事始知奇寶猶珍藏金叵羅兼銀鑿落命工爲琢崑山璞問道
寧同藺相歸易晝詎比仇池欲居然亡已復得已有觥者角無
磨礪薦之家廟一笑慰衣珠解後還歸宗通天駭雞未足寶年
年手澤完且好益齊再酌神其來百代直聲震天表蟬嫣之澤

白雀山房詩集卷之七

後嗣多德門餘惠流滂沱卽今苗裔傳七葉猶聽政成虎渡河
我昔趨庭東郡日已聞虞詡朝歌績石交三世訂逾堅恰向閩
天披舊冊此邦鄒魯舊著稱所期一振儒風登多君善政繼乃
祖一峯祠宇高峻嶒君葺一峯先生祠重修梅石書院人事風花那可料神明
茂宰緋衣召涕泗憐君兒率歸騎鯨定傍高曾廟寂寂人琴悵
阿兄新詞譜出倍關情好同魏笏傳遺愛胡考千秋永令名

題慶恕安將軍采芝圖

長松吟天龍怪石臥文虎中有餐霞人綸巾躡芒屨素書昔熟
讀鈐機握招拒百戰輒論勲威聲揮白羽三臺屢踐歷訐謨贊
天府卅載出山雲幾許崇朝雨

帝心正簡在坐昇掌南旅牙璋擁貔貅萬里戡海宇金版將酬
庸馨烈茂鼎呂胡爲抱遐想林壑此延佇得無名世才志道齊

出處萬緯羅心胸湛然朗珠炬金芽養靈泉玉髓飲懸圃坎家
離爲室角根妙羅縷以茲寧澹懷信足擔圭組煌煌三秀華美
瑞應良輔公也掇其英元液自納吐壽
國兼壽民功施流萬古請頌紫芝篇仙雲蔭庭戶

龍巖道中

巖巒迴合條無路絕頂振衣時一登蒼茫雲氣逼飛鳥窈窕松
枝纏瘦藤曲澗吼泉五月雪陰崖踏石千年冰輶車行處儘快
意何用五嶽窺峻嶒

送費給諫錫章

冊使琉球

懷柔盛典遍遐方

丹詔新承到夕郎萬里波濤通玉節

九重雨露護金章春深

溫語辭

嶠陞日暖輕帆泛鵠航指點星槎東去路朝曦明處是樽桑
歡斯遺跡古風存那壩江清對海門鯤壑風高浮島嶼鵬霄天
豁壯乾坤圭符世世藩封恪琛賚年年典則惇好語
聖朝綬遠意左臨蟠木右崑崙

贈徐秋潭總戎二首

七貂勲閥豔金張早扈甘泉豹尾行坐嘯嵐光生畫戟清吟海
日上雕梁止戈舊拔犀船幟移帳新添虎劍芒保障瀛壖功不
細韋丹家世自巖疆

綠榕煙裊款征騑裘帶心期望不違千頃春波懷叔度一簾風
月憶元暉勲臣合付黃金飾名士真宜白羽揮僂指彤旌朝

北闕

御香行冒老萊衣

蘭谿

我行蘭江源水石何清泚鳥篷百丈牽黃篋一帆駛窗虛納遠
山無事但隱几卻指青蘿峰雉堞傍漁市人喧江郭近岸落灘
聲起我本煙霞人緇塵閒屐齒銜

命下梨關恰盡東南美飄飄風中旌歷歷川上汜懷哉吾所思
沿流訊芳芷

題朱笥河先生游玉華洞詩卷

并引

此卷爲笥河先生門下士姜照鄰茂才所藏詩筆奇古
可以不朽余於笥河先生爲年家子幸得附館後進又
以視學來斯土皆先生春風雨化之區流風遺韻聞士

猶豔稱之閱是卷爲之神往不置爰題五言於後而歸之

鐔劍多名山竅窾富巖洞真靈所窟宅倏詭等鑿空金羊立而
娛石蛭蟠且狂華鬢現佛國銀島闢仙棟中天月常皎太古雪
不凍其他狡獪狀如入大羅夢一一象逼真目眴神欲嘗將溪
峯萬壘游者每停鞚天恐東南平搏攫爲此弄祕鑰何年開輿
騎笑一闕朱公香案吏才思吐白鳳輶乘偶經行雲龕探鴻峒
芒屨忘冠蓋弗憚踏煙霧遂令華陽天奇景筆端貢文參絳池
奧語壓韓陵重瀾翻二于字字字爛錦幪真書更奇絕詰屈句
難誦商尊鑄辛癸獵碣發秦雍三者皆不刊精鏐巧磨礱洪維
作人世藜閣儲才衆一代數儒林大興兩伯仲當時名譽盛傾
倒及儼從持衡迭交替海內推二宋椒花古吟舫巾屨互錯綜

戴斗望奎躋類說文陣統相公業夏隆霖雨國鈞用翹材啓黃
閣鶴髮傳邁種賢哉競爽哲盛節驚愚憇誰識廿年來道山盡
雲封安期鳥不歸峴首碑堪慟此卷幾流傳金題委荒陬蝸涎
與蝨蝕奇句孰吟諷姜君泉山彥瑚璉衛子贛當年坐春風樹
楷有餘痛辛勤搜故紙懼若獲寶甕完璧付裝池天衣補無縫
此意真古人青藍見誠衷我忝通門誼冰署後塵頌奉

命使炎陬復此糜清俸堂欽韓雅題

院署後堂名先生所題

石志筭僊供

在三百三十有三士所慚凡鳥姿雲表那騰恩靈威披古簡快
亭側蓋先生自况也餉益智機再拜薦寒泉仙雲照璫璜

送陶季壽

章鴻

之官石樓用東坡贈呂屯田郎中韻

太行翠色連并門棗林栗里都成邨土風纖嗇本唐魏閭里古
俗敦俾豚我昔髫年侍杖履

先君子備兵河東者九年

驚濤習見汾流渾龍

從山勢更奇峭垂天翼墮南溟鯤唐虞故都信雄勝趙代一氣
蒼煙吞君才俊逸古無比英華韶護元音尊長歌磊落語尤壯
蛟螭掣攫熊羆蹲詩壇往往執牛耳秋月在水清無痕謂當振
步上延閣金鼈背踏駕海龍何圖十上終不偶好語空見珠濺
盆牽絲一出竟作吏悄然別我詞無溫由來遭遇古不偶玉顏
亦逐沙塵昏今君爲政此山邑但能惠愛名終存何況西行風
景好路槐猶綠柳未髡單車輾轆陟巖厂白雲變滅蒼厓根晉
祠流水試尋覽未要手版愁趨奔峒巘山前昔題字捫壁定有
元雲屯送君揮手賦長句卅年舊夢縈清樽

和查簡庵同年

訥勤

見贈之作

巨鱗恬碧澥逸翮凌青雲名材苟不凡致用意彌殷與君忝交
舊兩世聯紀羣復題淡墨籍芝蘭氣同薰壯子負異稟健筆搗

鴻文家學承青箱奕葉垂元纁彤庭珥赤管體要詞無紛迴翔
三館間虹棟瞻檟夢盛年矢精進如日方朝昕嗜痴忽到我投
詩語慇懃欬吐成珠璣盟手薇露薰貫串百家作君詣精且勤
儒生職文字光賁第七車纂言備前席稽古自厥初承明亦有
廷禁署爲周廬嗟哉子良材真合副此除綜攬羽琫編世號行
祕書長安萬人海羨子塵慮祛介石克自貞詎占爻趙趙伊余
迂鈍質學海望歸墟四十慚無聞千古百不如叨著侍臣冠燕
玉飾璠璣臂以曲蟠木儷彼初日藁謝子金石詞冲襟亦何虛
誦絃叶歌詩奧義肇四始噉嚼本天然詠陶何能已讀書貴養
氣藻績徒滿紙巨海掣鵬鰲浩然乃佳耳君如騏驥姿蹀躞勢
難止槃礴灑雲煙如彼宋王史得子韶濩音羣言斥鄙俚有時
豔思發春林燦瓊蘂衣珠解仍得不比簞人子古調自春撞寧

自衛山房詩集卷二
嗤六朝靡施嬌被阿錫見者驚賦理吁嗟詩教雜誰能究厥旨
陋同蔬筍餐繁或箏琶擬與子善維持斯事有正軌閒官少塵
牘風日清且美聊參靜中祕義超賦與比列子悟貫心莊叟喻
非指試証司空言采采在流水

雷硠擺天斧豈屑利如錐良玉苟不潔昔人賦汙厄蕩蕩九遠
啓衢路自坦夷矯揉違其真相鼠徒有儀君實蘊內抱懇款矢
不欺獨鶴影昂藏衆中故自奇與君志行合有若壘與簾角藝
見天真妍詞采色絲伊余折蠡力長能控蛟螭尙有質直懷坊
表勵秉彙四年提文印忱惕常在斯齒斷士行立匪徒誇奇詞
今君名正高振步上赤墀琳瑯介圭器當荷

特達知矯矯龍圖公蠹簡有餘思亦及銅鼓集惠政切民飢鴻
筆國雲雨所願無媿辭文章期經國鉅製方初基暇卽縱劇談

無負休沐期丹陸日照九坐久藤陰移努力紹前哲勗哉
泰平時

和顧晴芬同年泉病起詠懷

盃底弓蛇本幻鄉刀圭聊復進昌陽難尋上藥愈岐辨且縱豪
吟湜籍僵內視定應存玉液和神合遣擣瓊霜與君共覓安心
法不用青囊集祕方

擺脫難超造化鑪醍醐一滴飲能蘇心驚元放頻投杖齒冷長
房漫學符靜境試參蚊睫細妄緣真見蝨輪粗何當熱惱消除
盡廣座常懸雲漢圖

尺宅居然萬畝寬養生何必效黃安子雲自信能傳後僕射人
稱大耐官孤鳳林中迴翅迴飛鴻天外舉頭看祇今莫負尋芳
約枝上棠梨已帶酸

心跡冰壺世所稀
新詩入手契元微
加餐好煮長安米
閉戶應窺杜德機
擾擾風花飛又定
明明隙影是耶非
報恩志業期千古
鈴索東堂正曉暉

和卞雅堂同年

賦菱湖八詠

百尺危闌跨碧溪
夢楣天半帶虹蜺
畫簾卷處晴雲入
無數斜陽隔嶺西

奎雲閣

聽徹蒲牢百八聲
禪關清寂道心生
殘星幾點月斜樹
定有輕帆賦曉行

泗水寺

銀鈎誰浴兩頭纖
一道晴杠鎖石函
好趁夜涼邀笛坐
綠荷香度紫蕉衫

安瀾橋

林亭小築隱花枝
暢好東風澹沱時
比似藍田山下路
蒸梨炊黍寫新詩

龍川塢

紅霞爛漫映谿隈
艇子瓜皮一棹開
是處仙源誰辨得
儘容塵世問津來

桃莊

綠煙一片下塘春
盡日漁榔響白蘋
修網銀刀看潑刺
蘆中人

似畫中人

柳壩

小泊烏篷水市喧
溪流似篆繞邨前
黃魚紫蟹休論價
桑葉陰

邊好繫船

船市

一繩新界翠波活
采采珠環露指尖
妾意空憐烏角小
郎心偏愛紫泥甜

菱歌

過聶京圃同年

鎬敏

論詩爲賦長句

天柱連綿紫蓋接
江籬被岸湘波疊
山川合沓出才人
花鄂文章數三聶
就中伯氏尤瑰奇
雄詞入手翻蛟螭
丹山一鳴衆羽伏
琅玕晶采雲霞思
早年便射天門策
蓬山藏室從容直
草制

爭傳下水詞。紬書自富藏。山冊芝苑芳。延禁署依宮。臣濤望世
尤稀。能將苜蓿甘。官饌肯學壺盧畫。瑣闥與君同聽霓裳譜。膠
添心情相爾汝。擲地聲誇金石鳴。談天氣作虹蜺吐。我媿衡才
建水濱。玉堂回首悵離羣。每因夜雨思同直。獨對蠻煙憶故人。
由來報稱詞臣少。壯夫志豈圖溫飽。百結何知地八蠶。千絲須
網珠三島。彈指歸來歲月賒。碧桃知放幾番花。羨君藻思霄煙
麗。感我塵容雪鬢加。雕蟲技小何堪數。聞道猶慚未談粗。難得
嵇龍天矯看。怕爲羊鶴麇麇舞。志節期君共不凡。好從邃古探
瑤函。但能素簡懸金貴。未要朱旂列戟嚴。長安車馬紛馳逐。六
街雨過槐陰綠。蘆肉從他許史豪。竹屏且踵揚班躅。揮麈風前
倍慨慷。筠簾影裏正斜陽。三間試訪詩人屋。中有光芒萬丈長。

偕同人游萬柳堂和阮芸臺前輩韻

城東修禊地曾記小車行林迴見山色窗虛遠市聲疎鐘當晝
靜古堞與雲平相對忘機侶悠然遺世情

百年陳蹟杳慷慨漫聞歌且種漢南柳誰吟江上荷未條畱客
少飛絮送人多壞壁蝸涎蝕殘碑未忍磨

綠意平蕪滿流觀信畫圖儘容輕騎訪不用短筇扶簪盍懷前

輩敢爭笑曩儒高風思賢社歸夢竟江湖

謂奈小峴司寇南旋于此餞別

韓海頻年住初看北地花薄游沿野陌仄徑過田家水木尋幽
勝星霜感歲華道人塵事屏爲煮趙州茶

天啓小鐵斧歌

臨濠氣盡茄花紫玉鴿飛來十三止天教衰德付童昏樸斲聲
繁丹禁裏定陵卅載苦竄情無缺金甌已潛毀那將末技學紹
庭國脈雕殘孰爲理噦驚旣移黼座正頓忘傾危在宮市內操

戈甲耀銅鋪祕殿迷藏捉金叱般斤手握夏深嗜聖鼻無傷帝
心喜玉階王斧謝勿持卻畀刑餘太阿砥三宮煤孽國嗣損尋
斧先從本根起龜山雲蔽日鴟張刀鋸威淫鋤正士儀鎗將賜
上公仗香像還雕厥臣里豕卿如意枉悲歌都憲大刀空切齒
祇憑仇斧斲元氣巧匠旁觀惟縮指此斧傳來幾年所苔蝕青
花柄盈咫尙方鑄作倍精瑩戚秘如鑄玉光珎長平戈異制強
軍可伯槍非刺堅壘獨憐鴻業載消磨缺角同拋殿頭璽自亡
癡兒事難了麪菜西園有前軌龍舟蓮漏鬪奇巧昔日庚申亦
如此披圖弔古意慨慷惟木從繩憶皇始

簡菴以和方容齋同年

振

使閩詩見示卽次其韻

霜風入牖感年華習靜庭無履跡譁擁卷坐看天地大吟秋乍
覺景光賒閒心自與浮雲澹涼思都從落木加卻羨故人持使

節丹崖紅樹走鋒車

隱几依然山澤容那將翰墨策勳庸搜材也結千絲網決皆曾
開五嶽胸眼底任看雞豚腐夢中笑說蟻緣封塵蹤人海空如
寄回首滄江六六峯

簡菴再示二作復用前韻酬之

多君才思擅芳華清響能消衆籟譁白墮有緣應早釀青山無
價政須賒煙澄寒水波初定露染秋叢色漸加大好平郊閒策
馬竿摩未要畫輪車

疎放情懷似仲容不煩伯始話中庸詩成曼衍頻衝口座有牟
尼朗照胸松檜試尋安石屐葡萄擬易酒泉封與君汗漫游閭
闔彈指須彌萬丈峯

題傅石波同年

崇華山圖

蓮華萬仞矗蒼煙呼吸真疑帝座連
天遣奇峰鎮西極仙靈來往翠微巔

手持玉節下蓬萊身是芝成絕代才
獨倚孤筇臨絕頂一聲長嘯亂雲開
舉臂真同汗漫游况吟傑句動滄洲
仙霞我亦持金節詩律輸君一百籌

題卞寄漁負米圖並送南旋

華黍心殷束皙篇春糧百里繼前賢
知君至性真難及負郭原無二頃田

潔養何須雉菜豐青精顏已駐王公
阿連同舞中庭綵分得神倉子粒紅

幾載聯吟記對牀扁舟又下水雲鄉
烏程香稻秋風熟好奉高

堂介壽觴

和百菊溪制府平海紀功詩元韻

天文迅指疾於雷上將牙門壁壘開

王路由庚通尉候靈旗太乙耀璇魁石鐫碎葉諭勲共弓挂扶桑奏凱迴要識蓋臣經武畧粵山輕重視公來

纒沐身親到海涯揚枹秉鉞紀驅馳俘多積仗齊熊耳令肅前軍載獬皮駿烈豈徒除患鯿鴻文真合勒蟠螭廿年瘡痍清炎嶠萬馬威名陋慶之

戍壘分屯陣夾河馮蠡收浪避瑯戈申錚已見嚴貔虎午夜無煩擊鳴鵝冤胄令公威自大觀營孟獲語寧訛藕絲度盡修羅劫電掃諸天靖眾魔

有截聲靈震渤泥轅門納款敢稍稍依然傳檄千軍定不用降

牋百道齋龍戶波清安絕島蛟涎風捲靜蠻溪重臨黃相原神
父甘雨崇朝浹嶺西

烝黎衽席慶更生衅甲都無短劍橫眾口濤波憑力障兩年湯
雪快功成玉鈐運掌惟酬

主銅鼓銷聲盡罷兵欲叱伏波誇異績飛鳶跼墮未心驚

頻宣

德教洽陽岫

帝有恩言賁玉書鳩眼難駢干已格鯨牙盡拔網非疎農歌處
處恬耕犢嘉頌人人聽雅魚屋霧全收鼉極奠滄瀛似帶樂攸
居

周飾黃金

寵命新明光

勅到騎飛塵油囊大槩桓桓將鼓笛棚車皞皞民儀羽殊襲同
袞錫珥貂世澤行牆循凌煙

恩禮千秋紀四海爭傳捧日人

羽楫奇庸古不慙純臣志行我能諳傾葵景麗丹心正勁柏材
良黛色參續贊鹿轡榮待卜力扛龍鼎句猶貪拜牀昔幸瞻風
範早識星文應斗南

題馮紳泉觀察

鵬恬波作楫圖

萬里滄洲使節經憲臣威望著重溟揚旌曉渡魚霞紫鼓舵宵
浮蜃氣青浩渺祇餘天作蓋微茫真見島如萍壯君鵠首乘風
處龍伯鯨人拜福星

裨海輿圖控赤嵌遐陬久沐

聖恩咸誰教蠻觸興蝸角欲下符章鷲馬銜唳鶴有聲消碧野

帶牛無警臥蒼巖
緝綬事事煩
經畫靖遠功
應石壁鏡

蘭綺家承世
閱高褰帷夙志漫
辭勞帆開恰對三山日
槎泛真

乘八月濤

君以去歲八月出使

鳳嶺花香迎露冕
雞籠嵐翠照霜袍
鬚眉

奕奕英姿爽妙手
應添頰上毫

蜺旆迴翔遍八閩

君歷任汀漳興泉永觀察今復備兵溫麻

又攜甘雨度鯤身
大勲

尙記將軍樹

謂尊甫都憲公開府黔南平苗著績

偉畧羣瞻直指輪
黃色天庭看

降鳳黑頭公望佇
圖麟益州像設他年記
更擁高牙答

紫宸

白鶴山房詩鈔卷六終